

Kahlolo ya Lekgotla le Phahameng

Tshwane, 18 Pudungwana 2021 – Khomishinara wa Ditshebeletso tsa Lekgetho tsa Afrika Borwa (SARS), Mong. Edward Kieswetter, o hlokometse kahlolo e dihilweng ke Lekgotla le Phahamemng la Gauteng tabeng e pakeng tsa *Arena Holdings* le ba bang kgahlano le SARS le ba bang ka la 16 Pudungwana 2021, e mabapi le ho ntshuwa ha lesedi la molefalekgetho.

“Taba ya sephiri sa molefalekgetho ha se taba e mabapi le motho ya itseng, empa ke seo bolaodi ba makgetho lefatshe ka bophara ba se nkang e le motheo wa bohlokwa wa ho tshepahala pakeng tsa bona le setjhaba se lefang lekgetho. Ebile sena ke motheo o bohareng wa mawala a rona a ho fihlella boikobelo ba tefo ya lekgetho ka boithaopi. Balefalekgetho ba lokela ho netefaletswa hore SARS e ke ke ya senola lesedi leo ba faneng ka lona ka botshepehi, le leo ho ya ka molao, be re senoletseng lona. Qeto ya sethathong ya SARS ya ho ba kgahlano le kopo ena e nkilwe ho bapa le metheo ena. Ntle le qeaqeo ditaba tsena di bohlokwa haholo ho nna jwalo ka Khomishinara ya SARS, le ho SARS jwalo ka setheo mmoho le ho setjhaba ka kakaretso mme sena se bonahetse ka diafidaviti tse ngata tseo re ileng ra di beha pela Lekgotla le Phahameng nakong eo re neng re le kgahlano le kopo ena e neng e batlwa.

Ho bohlokwa hape ho hlokomela hore Letona la Ditjhelete le Letona la Toka le Ntshetsopele ya Molao wa Motheo ka bobedi ba bile kgahlano le kopo ena ya ho fihlella lesedi la sephiri la molefalekgetho.

“Ke hlokometse maikutlo a mangata mabapi le kahlolo ena, ho tswa bophatlalatsing ba ditaba ba semmuso le ho tswa mapatlelong a tsa dipuisano tsa setjhaba mme ke elellwa ka botlalo hore bophatlalatsi ba ditaba, diprofeshenale tsa lekgetho le tsa molao mmoho le balefalekgetho ba tjhesehela ho utlwisisa hore na ntlhakemo ya rona le maikemisetso a rona ke afe. Ke batla ho netefaletsa baahi hore kahlolo ena mmoho le boikgethelo ba SARS, ha jwale di ntse di sekasekwa ka botlalo. Hang feela ha dipuisano tsena di phethetswe, ho tla etswa qeto ya makgaolakang mme ke fana ka tiisetso ya hore re tla buisana ka tsena hang feela ha qeto eo e se e entswe.”

SARS e lakatsa ho netefaletsa balefalekgetho, bahwebi le diprofeshenale tsa lekgetho hore diphelelo tsa sephiri sa lekgetho, jwalokaha di hlahella ka hara melao e amehang, di ntse di tlama SARS le basebetsi bohle ba SARS mme tshenolo efe kapa efe e sa tjhaelwang monwana ya lesedi la molefalekgetho e dutse e le ketso ya bonokwane.

Ho fumana seledi le fetang lena, ka kopo ikopanye le SARS ho SARSMedia@sars.gov.za